

ერთი მხრივ, აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შემსყიდველი“), წარმოდგენილი მინისტრის პირველი მოადგილის, ჯემალ სურმანიძის სახით და მეორე მხრივ, შპს „ბიენ კომპანი“ (შემდგომში „მიმწოდებელი“) წარმოდგენილი დირექტორის, ნინო ინასარიძის სახით, „სახელმწიფო შესყიდვების შესახებ“ საქართველოს კანონის და შპს „ბიენ კომპანი“-ს წარმოდგენილი სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება N **NAT210020668**) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს მომსახურების გაწევას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

- 2.1. ხელშეკრულების საგანია - ქვეპროგრამა „კონკურსები და ოლიმპიადები“-ს ფარგლებში სხვადასხვა კომერციული მომსახურება და მასთან დაკავშირებული მომსახურებები (CPV-79900000), კერძოდ აჭარიდან ვროცლავში და ვროცლავიდან აჭარაში 18 ადამიანის ტრანსპორტირებისა და მასთან დაკავშირებული მომსახურების ორგანიზება. (შემდგომში - შესყიდვის ობიექტი და/ან მომსახურება).
- 2.2. გასაწევი მომსახურების აღწერილობა მოცემულია დანართი N1-ში (შესყიდვის აღწერილობა) და დანართი N2-ში (ფასების ცხრილი), რომლებიც თან ერთვის ხელშეკრულებას და წარმოადგენენ მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 25 000 (ოცდახუთი ათასი) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. მიწოდების ვადა და ადგილი, მომსახურების მიღება-ჩაბარების წესი

- 4.1. მომსახურების მიღება-ჩაბარებას ახორციელებენ სათანადოდ უფლებამოსილი პირები.
- 4.2. მომსახურების შუალედური ან/და საბოლოო მიღება განხორციელდება, ფაქტიურად გაწეული მომსახურების შესაბამისად გაწეული მომსახურების ღირებულებისა და მოცულობის მითითებით გაფორმებული მიღება-ჩაბარების აქტის საფუძველზე.
- 4.3. შემსყიდველის მხრიდან მომსახურების მიღება-ჩაბარებაზე უფლებამოსილი წარმომადგენელია ხელშეკრულების შესრულების კონტროლის განმახორციელებელი პირები.
- 4.4. შემსყიდველი უფლებამოსილია უარი განაცხადოს უხარისხოდ განხორციელებული მომსახურების მიღებაზე.
- 4.5. მომსახურების მიწოდების ადგილია: ბათუმი - ვროცლავი - ბათუმი
- 4.6. მომსახურების მიწოდების ვადაა 2021 წლის 11 დეკემბრიდან 18 დეკემბრის ჩათვლით პერიოდი.

5. ანგარიშსწორების ფორმა, წესი და ვადები

- 5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ საბანკო რეკვიზიტებზე, ეროვნულ ვალუტაში.
- 5.2. ანგარიშსწორება ხორციელდება შუალედური ან/და საბოლოო მიღება-ჩაბარების აქტის გაფორმებიდან 10 (ათი) საბანკო დღის განმავლობაში. მხარეები თანხმდებიან, რომ შემსყიდველს უფლება აქვს უარი თქვას კონკრეტული მომსახურების ნაწილის შესყიდვაზე საკუთარი საჭიროებისამებრ. ასეთ შემთხვევაში შემსყიდველი არ არის ვალდებული გადაიხადოს განუხორციელებელი მომსახურების შესაბამისი ღირებულება. აღნიშნულიდან გამომდინარე, მიმწოდებელი აცხადებს, რომ მას პრეტენზია არ ექნება აუთვისებელ თანხაზე.
- 5.3. მიმწოდებლის დასაბუთებული მოთხოვნის შემთხვევაში ხელშეკრულების მოქმედების პერიოდში შესაძლებელია საავანსო ანგარიშსწორება ხელშეკრულების ღირებულების არაუმეტეს 50%-ის ოდენობით. საავანსო ანგარიშსწორების შესახებ გადაწყვეტილებას იღებს შემსყიდველი თავისი შეხედულებისამებრ.
- 5.4. საავანსოდ გადასახდელი თანხის უზრუნველყოფისათვის გამოიყენება საქართველოს ეროვნული ბანკის მიერ ლიცენზირებული კომერციული ბანკის ან/და სადაზღვევო კომპანიის მიერ გაცემული უპირობო გარანტიები.
- 5.5. საავანსო გარანტიის (მისი წარმოდგენის შემთხვევაში) მოქმედების ვადა მინიმუმ 30 (ოცდაათი) კალენდარული დღით უნდა აღმატებოდეს ხელშეკრულების მოქმედების ვადას.

6. გარანტია

- 6.1. მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.
- 6.2. მიმწოდებლის მიერ ხელშეკრულებით განსაზღვრული მომსახურების ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს.
- 6.3. 6.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.
- 6.4. მიმწოდებელი ვალდებულია განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.
- 6.5. მიმწოდებლის მიერ 6.4. პუნქტით განსაზღვრული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს ხარჯების ანაზღაურება, ან ეს თანხა გამოქვითოს ხელშეკრულების მიხედვით მიმწოდებლისათვის გადასახდელი თანხიდან.

7. ხელშეკრულების შესრულების კონტროლი

- 7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.
- 7.2. ხელშეკრულების შესრულების კონტროლს ახორციელებენ აჭარის ავტონომიური რესპუბლიკის განათლების, კულტურისა და სპორტის სამინისტროს განათლების დეპარტამენტის უფროსი ნაზიბროლა ბერიძე გაბაიძე და განათლების დეპარტამენტის მეორე კატეგორიის უფროსი სპეციალისტები მადონა ჯაიანი და ნინო ნაკაშიძე.
- 7.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.
- 7.4. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8. მხარეთა პასუხისმგებლობა ხელშეკრულების პირობების შეუსრულებლობისათვის

- 8.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.

8.2. შემსყიდველის მიერ ხელშეკრულების შეწყვეტის შემთხვევაში, რაც გამოწვეული იქნება წინამდებარე ხელშეკრულების 11.1. პუნქტის ა;ბ;დ;ე ქვეპუნქტებიდან, მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

8.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

9.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

9.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

9.4. 9.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

9.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) თუ მოწოდებული მომსახურების ხარისხი არ შეესაბამება გათვალისწინებულ პირობებს.

ე) საქართველოს კანონმდებლობით გათვალისწინებულ სხვა შემთხვევებში.

11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. სადავო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

13. სხვა პირობები

13.1. ხელშეკრულება ძალაში შედის მხარეების მიერ ხელმოწერის დღიდან.

13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულდება ქართულ ენაზე.

13.5. ხელშეკრულება ხელმოწერილია/შტამპდასმულია ელექტრონული ფორმით.

14. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2022 წლის 28 თებერვლამდე.

15. მხარეთა რეკვიზიტები

შემსყიდველი:

აჭარის არ განათლების, კულტურისა
და სპორტის სამინისტრო
საქართველო, ქალაქი ბათუმი
ლ. გუდიაშვილის ქ. N4
ს/კ 245427667

მიმწოდებელი:

შპს „ბიენ კომპანი“
საქართველო, ქალაქი თბილისი
საბურთალოს ქ. N 42 კორ. 2 ბ. 53
ს/კ405080077
ს.ს. „საქართველოს ზანკი“
მფო BAGAGE22
ა/ა GE74BG0000000729315900

მინისტრის პირველი მოადგილე
ჯემალ სურგულაძე



დირექტორი
ნინო ინასარიძე

მგზავრობის მარშრუტი:

15 მოსწავლისა და 3 პასუხისმგებელი პირის ტრანსპორტირებით უზრუნველყოფა. მომსახურება მოიცავს როგორც სახმელეთო, ასევე საჰაერო მომსახურებას:

საჰაერო მომსახურება - საქართველოს აეროპორტი - ვროცლავი (პოლონეთი); ვროცლავი-საქართველოს აეროპორტი;

სახმელეთო მომსახურება - ბათუმი - საქართველოს აეროპორტი - ბათუმის მიმართულებით (ავტობუსი, არანაკლებ 30 ადგილიანი, ბარგის გათვალისწინებით);

მგზავრობის განრიგი:

- 2021 წლის 11 დეკემბერი, გამგზავრება ქალაქ ბათუმიდან ავტობუსით (არანაკლებ 30 ადგილიანი, ბარგის გათვალისწინებით) საქართველოს აეროპორტში. აეროპორტიდან გამგზავრება ვროცლავში (პოლონეთი) თვითმფრინავით.

- 2021 წლის 18 დეკემბერი ჩამოფრენა ვროცლავიდან საქართველოს აეროპორტში, აეროპორტიდან ქალაქ ბათუმში ჩამოსვლა ავტობუსით (ავტობუსი არანაკლებ 30 ადგილიანი, ბარგის გათვალისწინებით);

ავტობუსით მგზავრობის უზრუნველყოფა:

- 2021 წლის 11 დეკემბერი 18 ადამიანის ქალაქ ბათუმიდან, საქართველოს აეროპორტში ჩაყვანა ფრენამდე 2 საათით ადრე ავტობუსით (ავტობუსი არანაკლებ 30 ადამიანზე, ბარგის გათვალისწინებით);

- 2021 წლის 18 დეკემბერი 18 ადამიანის დახვედრა საქართველოს აეროპორტში ფრენის დასრულების დროს. ქალაქ ბათუმში ჩამოსვლა ავტობუსით (ავტობუსი არანაკლებ 30 ადამიანზე, ბარგის გათვალისწინებით);

თვითმფრინავით მგზავრობის უზრუნველყოფა:

გაფრენა: 2021 წლის 11 დეკემბერი 18 ადამიანის გამგზავრება საქართველოს აეროპორტიდან ვროცლავში (პოლონეთი) - დაზღვევით და თვითმფრინავის ბილეთებით უზრუნველყოფა (ბილეთების ღირებულებაში გათვალისწინებული უნდა იყოს ჩასაბარებელი ბარგი არანაკლებ 20 კგ. თითოეულ მგზავრზე და ხელბარგი);

ხარჯთაღრიცხვა მომსახურებაზე

№	საქონლის დასახელება	ზომის ერთეული	რაოდენობა	ერთეულის ფასი	ფასი სულ (ლარებში)
1	ავტოტრანსპორტით მომსახურება: ბათუმი - საქართველოს აეროპორტი, საქართველოს აეროპორტი - ბათუმი	გზა	2	366	732
2	საჰაერო მომსახურება: საქართველოს აეროპორტი - ვროცლავი (20 კგ. ბარგით), ვროცლავი - საქართველოს აეროპორტი (20 კგ. ბარგით)	ადამიანი	18	1310	23580
3	დაზღვევა (8 დღე)	ადამიანი	18	16	288
5	ღვინო წითელი ნახევრად ტკბილი საფერავის ჯიშის ყურძნისგან დამზადებული, ქარხნული წესით ჩამოსხმული 0,75ლ ბოთლებში.	ცალი	5	20	100
6	შოკოლადის ნაკრები, შეფუთული ქაღალდით - საქართველოს ხედები	ცალი	5	50	250
7	ჩურჩხელა 2 ცალიანი შეფუთვა საფერავის ყურძნის წვენისგან დამზადებული, ნიგვზის შიგთავშით	ცალი	5	10	50
სულ (დღგ-ს ჩათვლით)					25,000